

ქ.ქუთაისი

5 ოქტომბერი 2020 წელი

მუხლი 1. ზოგადი დებულებანი

ერთი მხრივ, შპს ქუთაისის უნივერსიტეტი (შემდგომში „უნივერსიტეტი“ ან „დამსაქმებელი“) წარმოდგენილი მისი რექტორის, **ლაშა კანდელაკიშვილის** სახით და მეორე მხრივ, ვაჟა აგლაძე პირადი ნომერი **01030008166** (შემდგომში „დასაქმებული“ ან „აკადემიური პერსონალი“) ვდებთ წინამდებარე ხელშეკრულებას შემდეგზე:

მუხლი 2. ხელშეკრულების საგანი

ეს ხელშეკრულება აწესრიგებს დამსაქმებელსა და დასაქმებულს შორის შრომით-სამართლებრივი ხასიათის ურთიერთობას დასაქმებულის მიერ უნივერსიტეტში აკადემიური თანამდებობის დაკავების პერიოდში.

მუხლი 3. დასაქმებულის თანამდებობა და შესასრულებელი სამუშაოს სახე

1. დასაქმებული მიიღება სამუშაოდ **ასისტენტ-პროფესორის** აკადემიურ თანამდებობაზე;
2. დასაქმებულის თანამდებობისადმი წამოყენებული მოთხოვნები განისაზღვრება საქართველოს კანონმდებლობის, უნივერსიტეტის სასწავლო პროცესის მარეგულირებელი წესების, უნივერსიტეტის სხვა სამართლებრივი აქტებისა და ამ ხელშეკრულების შესაბამისად.

მუხლი 4. სამუშაო ადგილი

დასაქმებულის სამუშაო ადგილად, მხარეთა შეთანხმებით, განისაზღვრება ქ. ქუთაისი, მისამართზე - წერეთლის ქუჩა N13.

მუხლი 5. მხარეთა უფლება-მოვალეობანი

1. დამსაქმებელი უფლებამოსილია:
 - ა) შეამოწმოს დასაქმებულის მიერ წარდგენილი ინფორმაციის სისწორე;
 - ბ) მოსთხოვოს დასაქმებულს მასზე დაკისრებული სამუშაოს ხარისხიანად შესრულება, საქართველოს კანონმდებლობის, უნივერსიტეტის სამართლებრივი აქტებისა და ამ ხელშეკრულების შესაბამისად;
 - გ) დაადგინოს შრომის შინაგანაწესი და მოსთხოვოს დასაქმებულს მისი შესრულება;
 - დ) კანონით დადგენილ შემთხვევებში, დაავალოს დასაქმებულს ზეგანაკვეთური სამუშაოს შესრულება;
 - ე) კანონითა და უნივერსიტეტის შიდა სამართლებრივი აქტებით დადგენილ შემთხვევებში, წახალისოს დასაქმებული და გამოიყენოს მის მიმართ წახალისების ღონისძიებანი;
 - ვ) უნივერსიტეტის შიდა სამართლებრივი აქტებით დადგენილ შემთხვევებში, გამოიყენოს დასაქმებულის მიმართ შესაბამისი დისციპლინური პასუხისმგებლობის ზომები;
 - ზ) პერიოდულად გააკონტროლოს დასაქმებულის მიერ სამუშაოს შესრულების პროცესი.



ვაჟა აგლაძე
დასაქმებული

2. დამსაქმებელი ვალდებულია

ა) გააცნოს დასაქმებულს დაწესებულებაში მოქმედი ნორმები და აცნობოს მას ამ ნორმებში შეტანილი ნებისმიერი ცვლილების შესახებ

ბ) უზრუნველყოს წინამდებარე ხელშეკრულებით გათვალისწინებული პირობებისა და ვადის დაცვით, შრომის ანაზღაურების დათქმულ დროში გადახდა;

გ) შეუქმნას დასაქმებულს მასზე დაკისრებული სამუშაოს შესასრულებლად ადეკვატური პირობები;

დ) უზრუნველყოს დასაქმებული სიცოცხლისა და ჯანმრთელობისათვის მაქსიმალურად უსაფრთხო სამუშაო გარემოთი;

ე) გონივრულ ვადაში მიაწოდოს დასაქმებულს მის ხელთ არსებული სრული, ობიექტური და გასაგები ინფორმაცია ყველა იმ ფაქტორის შესახებ, რომელიც მოქმედებს დასაქმებულის სიცოცხლესა და ჯანმრთელობაზე ან უსაფრთხოებაზე;

ვ) დასაქმებულის მოთხოვნის შემთხვევაში, გასცეს ცნობა დასაქმების შესახებ, რომელიც მოიცავს მონაცემებს შესრულებული სამუშაოს, შრომის ანაზღაურების, შრომითი ხელშეკრულების ხანგრძლივობის თაობაზე;

ზ) ხელი შეუწყოს აკადემიურ პერსონალს სამეცნიერო-კვლევითი საქმიანობის განხორციელებაში;

თ) უზრუნველყოს დასაქმებულის ჩართვა საუნივერსიტეტო ცხოვრებაში.

3. აკადემიური პერსონალი უფლებამოსილია

ა) მოითხოვოს სამუშაო ადგილას შრომის უსაფრთხო პირობები;

ბ) მოითხოვოს და მიიღოს ამომწურავი ინფორმაცია სამუშაო პირობების, უნივერსიტეტისა და აკადემიური პერსონალის სტატუსისა და უფლებრივი მდგომარეობის შესახებ;

გ) მოითხოვოს მისი სამუშაოს შესრულებასთან დაკავშირებული ინფორმაცია, საინფორმაციო რესურსები და ინვენტარი;

დ) ისარგებლოს საქართველოს შრომის კოდექსით დაწესებული უქმე დღეებით;

ე) მოითხოვოს დამსაქმებლისაგან შრომის ანაზღაურების დროული გადახდა;

ვ) თავისი კომპეტენციის ფარგლებში, მონაწილეობა მიიღოს უნივერსიტეტის სასწავლო პროცესის მართვაში;

ზ) შიდა საუნივერსიტეტო აქტებით დადგენილი წესის შესაბამისად განახორციელოს სამეცნიერო აქტივობები;

თ) საგანმანათლებლო პროგრამის ფარგლებში, დამოუკიდებლად განსაზღვროს სასწავლო კურსის პროგრამების (სილაბუსების) შინაარსი, სწავლების მეთოდები და საშუალებები;

ი) მონაწილეობა მიიღოს პროფესიული განვითარების პროგრამებსა და სხვა სახის პროექტებში, როგორც უნივერსიტეტის ფარგლებში, ასევე მის ფარგლებს გარეთ.

4. აკადემიური პერსონალი ვალდებულია

ა) გაეცნოს უნივერსიტეტის მისიას, ხედვას, ღირებულებებსა და სტრატეგიულ მიმართულებებს;

ბ) დაიცვას უნივერსიტეტის დებულებისა და შინაგანაწესის მოთხოვნები;

გ) დაიცვას ეთიკისა და დისციპლინარული პასუხისმგებლობის ნორმები;

დ) საგანმანათლებლო პროგრამის შესაბამისად, სრულყოფილად განახორციელოს სტუდენტთა სწავლება საუნივერსიტეტო კურიკულუმის, სასწავლო პროცესის რეგულირების წესისა და მის მიერ შედგენილი სილაბუსის შესაბამისად; შესაბამის სფეროში მიმდინარე ცვლილებების კვალდაკვალ, პერიოდულად განახლოს სასწავლო კურსის შინაარსი და სრულყოს მისი სწავლების მეთოდები;

ე) ლექციაზე, სამუშაო ჯგუფში, პრაქტიკულ/ლაბორატორიულ მეცადინეობაზე გამოცხადდეს დროულად და სათანადოდ მომზადებული, არ დაუშვას ლექციის, პრაქტიკული მეცადინეობის დროზე ადრე დასრულება ან გაცდენა არასაბუნდობლო მიზეზით.

დამსაქმებელი



დასაქმებული

ვ) მონაწილეობა მიიღოს საგანმანათლებლო, კვლევით/შემოქმედებით და სხვა მნიშვნელოვან საკითხებთან დაკავშირებით გადაწყვეტილების მიღების პროცესებში;

ზ) უზრუნველყოს საგამოცდო საკითხების დროული შედგენა და საგამოცდო ცენტრისთვის მიწოდება, სტუდენტთა ნამუშევრების წადება/შესწორება/დაბრუნება, ქულების ბაზაში დროულად ასახვა, საკონსულტაციო საათების ჩატარება „საგამოცდო პროცესის ადმინისტრირების წესის“ შესაბამისად;

თ) გაუფრთხილდეს სამსახურებრივი მოვალეობის შესასრულებლად საჭირო, მისთვის გადაცემულ მატერიალურ ფასეულობებს;

ი) დაუყოვნებლივ აცნობოს დამსაქმებელს ნებისმიერი გარემოების შესახებ, რამაც შეიძლება ხელი შეუშალოს მას სამუშაოს შესრულებაში, ან საფრთხე შეუქმნას დამსაქმებლის ან მესამე პირის ინტერესებს;

კ) პედაგოგიური დატვირთვის პარალელურად, დასაქმებული ვალდებულია განახორციელოს ყოველკვირეული კონსულტაციები სტუდენტებისათვის სასწავლო კურსის გარშემო, ასევე დარგის კვლევით პრობლემატიკაზე, კვირაში 1 საათის ოდენობით;

ლ) კეთილსინდისიერად, ჯეროვნად და დათქმულ დროს შეასრულოს მასზე დაკისრებული ვალდებულება. ასევე, შეასრულოს უშუალო ხელმძღვანელის მითითები, რაც უკავშირდება სამსახურებრივი უფლებამოსილების განხორციელებას.

მუხლი 6. შრომის ანაზღაურება

1. საგანმანათლებლო პროგრამის შესაბამისად, ყოველი საკონტაქტო საათის შესრულებისათვის დამსაქმებელი დასაქმებულს უხდის ანაზღაურებას ერთ აკადემიურ საათში 31 ლარს, (საკონსულტაციო საათებისთვის, ასევე საგამოცდო საკითხების მომზადებისთვის და ნაშრომების გასწორებისთვის დახარჯული დროის ანაზღაურება გათვალისწინებულია აკადემიურ/საკონტაქტო საათებისთვის განსაზღვრულ საათობრივ ანაზღაურებაში).

2. ხელფასი მოიცავს საშემოსავლო გადასახადს; ასევე, დასაქმებული პირის საპენსიო სქემაში მონაწილეობის შემთხვევაში, საპენსიო დანარიცხს, რომლის ბიუჯეტიდან ანგარიშწორებასაც დამსაქმებელი ახდენს დასაქმებულის ხელფასიდან;

3. თანხის გადახდა განხორციელდება დამსაქმებლის მიერ დასაქმებულის სახელფასო ანგარიშზე გადარიცხვით, უნაღდო ანგარიშსწორების გზით, თვეში ერთხელ, არაუგვიანეს მომდევნო თვის 10 რიცხვისა;


4. დამსაქმებელს უფლება აქვს დასაქმებულის შრომითი ანაზღაურებიდან დაქვითოს ზედმეტად გაცემული თანხა ან ნებისმიერი სხვა თანხა, რომელიც შრომითი ურთიერთობიდან გამომდინარე, მისთვის აქვს გადასახდელი;

5. შრომითი ანაზღაურებიდან ერთჯერადად დაქვითვის საერთო ოდენობა არ უნდა აღემატებოდეს შრომის ანაზღაურების 50 პროცენტს;

6. შრომითი ურთიერთობის შეწყვეტისას, დამსაქმებელი ვალდებულია დასაქმებულთან მოახდინოს საბოლოო ანგარიშსწორება არა უგვიანეს 7 კალენდარული დღისა.



დამსაქმებელი


დასაქმებული

მუხლი 7. სამუშაო დრო და დასვენების დრო

1. დასაქმებულის სამუშაო დრო და დასვენების დრო განისაზღვრება შესაბამისი საგანმანათლებლო პროგრამით და მიმდინარე სემესტრისათვის შედგენილი აკადემიური კალენდრის შესაბამისად;
2. ზეგანაკვეთური სამუშაო დაიშვება საქართველოს შრომის კოდექსით გათვალისწინებულ შემთხვევებში.

მუხლი 8. შვებულება

1. ანაზღაურებადი და ანაზღაურების გარეშე შვებულებების ხანგრძლივობა განისაზღვრება საქართველოს შრომის კოდექსის შესაბამისად და შესაბამისი საგანმანათლებლო პროგრამის განხორციელების პერიოდის გათვალისწინებით.
2. დასაქმებულს უფლება აქვს ისარგებლოს ანაზღაურებადი შვებულებით – წელიწადში 24 სამუშაო დღით, ხოლო ანაზღაურების გარეშე შვებულებით – წელიწადში 15 კალენდარული დღით.
3. დასაქმებულს შვებულების მოთხოვნის უფლება წარმოეშობა მუშაობის თერთმეტი თვის შემდეგ.
4. შვებულება დასაქმებულს შეიძლება მიეცეს სამუშაო წლის სალექციო პერიოდისგან თავისუფალ დროს.
5. დასაქმებულის საშვებულებო ანაზღაურება განისაზღვრება შვებულების წინა 3 თვის საშუალო ანაზღაურებიდან, თუ მუშაობის დაწყებიდან ან უკანასკნელი შვებულების შემდეგ ნამუშევარი დრო 3 თვეზე ნაკლებია – ნამუშევარი თვეების საშუალო ანაზღაურებიდან, ხოლო ყოველთვიური ფიქსირებული ანაზღაურების შემთხვევაში – ბოლო თვის ანაზღაურების მიხედვით.
6. დასაქმებულს თავისი მოთხოვნის საფუძველზე ეძლევა ანაზღაურებადი ან არაანაზღაურებადი შვებულება ორსულობის, მშობიარობისა და ბავშვის მოვლის გამო, ასევე ახალშობილის შვილად აყვანის გამო საქართველოს კანონმდებლობით დადგენილი წესით.

მუხლი 9. მივლინება

1. მივლინება არის დამსაქმებლის მიერ დასაქმებულის სამუშაო ადგილის დროებით შეცვლა, სამუშაოს ინტერესებიდან გამომდინარე;
2. დამსაქმებლის მიერ დასაქმებულის მივლინებაში გაგზავნა არ მიიჩნევა შრომითი ხელშეკრულების პირობების შეცვლად, თუ მივლინების პერიოდი არ აღემატება წელიწადში 45 კალენდარულ დღეს;
3. დამსაქმებლის მიერ ამ მუხლის მე-2 პუნქტით გათვალისწინებული ვადის გადამეტების შემთხვევა მიიჩნევა შრომითი ხელშეკრულების პირობების შეცვლად;
4. დამსაქმებელი ვალდებულია სრულად აუნაზღაუროს დასაქმებულს მივლინებასთან დაკავშირებული ხარჯები.

მუხლი 10. ზეგანაკვეთური სამუშაო

1. დასაქმებული ვალდებულია შეასრულოს ზეგანაკვეთური სამუშაო:
 - ა) სტიქიური უბედურების თავიდან ასაცილებლად ან/და მისი შედეგების ლიკვიდაციისთვის – ანაზღაურების გარეშე;
 - ბ) საწარმოო ავარიის თავიდან ასაცილებლად ან/და მისი შედეგების ლიკვიდაციისთვის – სათანადო ანაზღაურებით.



Handwritten signature
დასაქმებული

2. აკრძალულია ორსული ან ახალნაშობიარები ქალის, შეზღუდული შესაძლებლობის მქონე პირის, არასრულწლოვნის ზეგანაკვეთურ სამუშაოზე დასაქმება მისი თანხმობის გარეშე.
3. ზეგანაკვეთურ სამუშაოდ მიიჩნევა მხარეთა შეთანხმებით დასაქმებულის მიერ სამუშაოს შესრულება დროის იმ მონაკვეთში, რომლის ხანგრძლივობა აღემატება მის სამუშაო დროს;
4. ზეგანაკვეთური სამუშაოს ანაზღაურების სანაცვლოდ დასაქმებულს მიეცემა დამატებითი დასვენების დრო, ზეგანაკვეთური სამუშაოს შესრულების დროის ოდენობით.

მუხლი 11. ხელშეკრულების მოქმედების შეჩერება/შეწყვეტა

1. შრომითი ურთიერთობების შეჩერების საფუძვლებია:

ა) გაფიცვა;

ბ) ლოკაუტი;

გ) აქტიური ან/და პასიური საარჩევნო უფლების განხორციელება;

დ) საქართველოს საპროცესო კანონმდებლობით გათვალისწინებულ შემთხვევებში საგამომიებო, პროკურატურის ან სასამართლო ორგანოებში გამოცხადება;

ე) სამხედრო სავალდებულო სამსახურში გაწვევა;

ვ) სამხედრო სარეზერვო სამსახურში გაწვევა;

ზ) შვებულება ორსულობის, მშობიარობისა და ბავშვის მოვლის გამო, შვებულება ახალშობილის შვილად აყვანის გამო და დამატებითი შვებულება ბავშვის მოვლის გამო;

თ) ქალთა მიმართ ძალადობის ან/და ოჯახში ძალადობის მსხვერპლის თავშესაფარში ან/და კრიზისულ ცენტრში მოთავსება, თუ მას აღარ შეუძლია სამსახურებრივი მოვალეობის შესრულება, მაგრამ წელიწადში არაუმეტეს 30 კალენდარული დღისა;

ი) დროებითი შრომისუუნარობა, თუ მისი ვადა არ აღემატება ზედიზედ 40 კალენდარულ დღეს, ან 6 თვის განმავლობაში საერთო ვადა არ აღემატება 60 კალენდარულ დღეს;

კ) კვალიფიკაციის ამაღლება, პროფესიული გადამზადება ან სწავლა, რომლის ხანგრძლივობაც წელიწადში არ უნდა აღემატებოდეს 30 კალენდარულ დღეს;

ლ) ანაზღაურების გარეშე შვებულება;

მ) ანაზღაურებადი შვებულება.

2. ხელშეკრულების შეწყვეტის საფუძვლებია:

ა) მხარეთა მიერ ახალი ხელშეკრულების დადება, რომლითაც ძალადაკარგულად იქნება გამოცხადებული წინამდებარე ხელშეკრულება;

ბ) ეკონომიკური გარემოებები, ტექნოლოგიური ან ორგანიზაციული ცვლილებები, რომლებიც აუცილებელს ხდის სამუშაო ძალის შემცირებას;

გ) შრომითი ხელშეკრულების ვადის გასვლა;

დ) შრომითი ხელშეკრულებით გათვალისწინებული სამუშაოს შესრულება;

ე) დასაქმებულის მიერ თანამდებობის/სამუშაოს საკუთარი ნებით, წერილობითი განცხადების საფუძველზე დატოვება;

ვ) მხარეთა წერილობითი შეთანხმება;

ზ) დასაქმებულის კვალიფიკაციის ან პროფესიული უნარ-ჩვევების შეუსაბამობა მის მიერ დაკავებულ თანამდებობასთან/შესასრულებელ სამუშაოსთან;

თ) დასაქმებულის მიერ მისთვის ინდივიდუალური შრომითი ხელშეკრულებით ან კოლექტიური ხელშეკრულებით ან/და შრომის წინაგანაწესით დაკისრებული ვალდებულების უხეში დარღვევა;



[Handwritten signature]
დასაქმებული


- ი) დასაქმებულის მიერ მისთვის ინდივიდუალური შრომითი ხელშეკრულებით ან კოლექტიური ხელშეკრულებით ან/და შრომის შინაგანაწესით დაკისრებული ვალდებულების დარღვევა, თუ დასაქმებულის მიმართ ბოლო 1 წლის განმავლობაში უკვე გამოყენებულ იქნა ინდივიდუალური შრომითი ხელშეკრულებით ან კოლექტიური ხელშეკრულებით ან/და შრომის შინაგანაწესით გათვალისწინებული დისციპლინური პასუხისმგებლობის რომელიმე ზომა;
- კ) თუ შრომითი ხელშეკრულებით სხვა რამ არ არის განსაზღვრული, ხანგრძლივი შრომისუუნარობა თუკი შრომისუუნარობის ვადა აღემატება ზედიზედ 40 კალენდარულ დღეს, ან 6 თვის განმავლობაში საერთო ვადა აღემატება 60 კალენდარულ დღეს, ამასთანავე, დასაქმებულს გამოყენებული აქვს შვებულება;
- ლ) სასამართლო განაჩენის ან გადაწყვეტილების კანონიერ ძალაში შესვლა, რომელიც სამუშაოს შესრულების შესაძლებლობას გამორიცხავს;
- მ) სასამართლოს მიერ მიღებული და კანონიერ ძალაში შესული გადაწყვეტილება გაფიცვის უკანონოდ ცნობის შესახებ;
- ნ) დამსაქმებელი ფიზიკური პირის ან დასაქმებულის გარდაცვალება;
- ო) დამსაქმებელი იურიდიული პირის ლიკვიდაციის წარმოების დაწყება;
- პ) სხვა ობიექტური გარემოება, რომელიც ამართლებს შრომითი ხელშეკრულების შეწყვეტას.

მუხლი 12. შრომითი ხელშეკრულების შეწყვეტის წესი

1. წინამდებარე ხელშეკრულების მე-11 მუხლის მე-2 პუნქტის "გ", "ფ", "კ" ან "პ" ქვეპუნქტებით გათვალისწინებული რომელიმე საფუძველით შრომითი ხელშეკრულების შეწყვეტისას, მხარე ვალდებულია არანაკლებ 30 კალენდარული დღით ადრე გააფრთხილოს მეორე მხარე წინასწარი წერილობითი შეტყობინების გაგზავნის გზით.
2. დამსაქმებელი ვალდებულია, დასაქმებულის მოთხოვნის წარდგენიდან 7 კალენდარული დღის ვადაში წერილობით დაასაბუთოს ხელშეკრულების შეწყვეტის საფუძველი.
3. დასაქმებულს უფლება აქვს 30 კალენდარული დღის ვადაში სასამართლოში გაასაჩივროს დამსაქმებლის დასაბუთებული გადაწყვეტილება ხელშეკრულების შეწყვეტის შესახებ. გასაჩივრების ვადა აითვლება დასაქმებულისთვის დასაბუთებული გადაწყვეტილების გაცნობის მომენტიდან.
4. თუ დამსაქმებელი დასაქმებულის მოთხოვნის წარდგენიდან 7 კალენდარული დღის ვადაში წერილობით არ დაასაბუთებს შრომითი ხელშეკრულების შეწყვეტის საფუძველს, დასაქმებულს უფლება აქვს, 30 კალენდარული დღის ვადაში სასამართლოში გაასაჩივროს დამსაქმებლის გადაწყვეტილება შრომითი ხელშეკრულების შეწყვეტის შესახებ.

მუხლი 13. შრომითი დავის განხილვა და გადაწყვეტა

1. მხარეთა შორის დავა გადაწყდება მოქმედი კანონმდებლობის შესაბამისად;
2. ნებისმიერი ის საკითხი, რომელიც არ არის რეგულირებული წინამდებარე ხელშეკრულებით, შესაძლებელია გადაწყდეს მხარეთა ურთიერთ მოლაპარაკების გზით;
3. მხარეთა შორის წარმოშობილი დავა უნდა გადაწყდეს მხარეთა შორის შემთანხმებელი პროცედურებით, რაც გულისხმობს დასაქმებულსა და დამსაქმებელს შორის პირდაპირ მოლაპარაკებებს;
4. შემთანხმებელი პროცედურების დაწყების შესახებ მხარე მეორე მხარეს უგზავნის წერილობით შეტყობინებას, სადაც ზუსტად უნდა იყოს განსაზღვრული დავის წარმოშობის საფუძველი და მოთხოვნები;



[Handwritten signature]
დასაქმებული

5. მეორე მხარე ვალდებულია, წერილობითი შეტყობინება განიხილოს და თავისი გადაწყვეტილება წერილობით აცნობოს მხარეს შეტყობინების მიღებიდან 10 კალენდარული დღის განმავლობაში;
6. წარმომადგენლები ან მხარეები იღებენ წერილობით გადაწყვეტილებას, რომელიც ხდება არსებული შრომითი ხელშეკრულების ნაწილი;
7. თუკი წერილობითი შეტყობინების მიღებიდან 14 კალენდარული დღის განმავლობაში შეთანხმება ვერ იქნა მიღწეული, ან თუ მხარემ თავი აარიდა შეთანხმებულ პროცედურებში მონაწილეობას, მეორე მხარეს უფლება აქვს მიმართოს სასამართლოს, საქართველოს კანონმდებლობით დადგენილი წესით.

მუხლი 14. ხელშეკრულების მოქმედების ვადა

ხელშეკრულება მოქმედებს დასაქმებულის უნივერსიტეტის ასისტენტ-პროფესორის აკადემიურ თანამდებობაზე ყოფნის პერიოდით, 4 (ოთხი) წლის ვადით.

მუხლი 15. სხვა პირობები

1. უნივერსიტეტის შინაგანაწესი წარმოადგენს შრომითი ხელშეკრულების ნაწილს და პირი ხელშეკრულებაზე ხელის მოწერით ადასტურებს, რომ დამსაქმებელმა უზრუნველყო მისთვის აღნიშნული დოკუმენტის გაცნობა წინამდებარე ხელშეკრულების გაფორმებამდე. ის საკითხები რაც არ არის მოწესრიგებული წინამდებარე ხელშეკრულებით წესრიგდება საქართველოს შრომის კოდექსით.
2. ხელშეკრულება შედგენილია ორი თანაბარი იურიდიული ძალის მქონე ეგზემპლარად. თითოეული ეგზემპლარი გადაეცემა ხელშეკრულების მონაწილე თითოეულ მხარეს.

დამსაქმებელი:

შპს ქუთაისის უნივერსიტეტი
(ს/კ 212677094)
რექტორი: ლაშა კანდელაკიშვილი

დასაქმებული:

პირადი № 010300026



(Handwritten signature)
დასაქმებული

W156

შეთანხმება აფილირების შესახებ

ქ. ქუთაისი

05.10.2020 წ.

მუხლი 1. შეთანხმების მხარეები

ერთი მხრივ, შპს ქუთაისის უნივერსიტეტი (შემდგომში - „უნივერსიტეტი“) და მეორე მხრივ, შპს ქუთაისის უნივერსიტეტის აკადემიური პერსონალი ვაჟა აგლაძე (პირადი № 01030008166) (შემდგომში - „აფილირებული პირი“), საქართველოს ორგანული კანონის - „საქართველოს შრომის კოდექსის“, „უმაღლესი განათლების შესახებ“ საქართველოს კანონის, საქართველოს მოქმედი კანონმდებლობისა და „ქუთაისის უნივერსიტეტის აკადემიური პერსონალის აფილირების წესის და პირობების“ შესაბამისად, ვთანხმდებით შემდეგზე:

მუხლი 2. შეთანხმების საგანი

2.1 წინამდებარე შეთანხმებით აფილირებული პირი თანხმობას აცხადებს, იყოს აფილირებული შპს ქუთაისის უნივერსიტეტთან.

2.2 უნივერსიტეტის და აფილირებული პირის უფლება-მოვალეობები, აფილირების საკითხებში, განისაზღვრება წინამდებარე შეთანხმებით და „ქუთაისის უნივერსიტეტის აკადემიური პერსონალის აფილირების წესის და პირობების“ შესაბამისად.

მუხლი 3. მხარეთა უფლება-მოვალეობანი

3.1 აფილირებული პირი ვალდებულია:

ა) განსაზღვროს თავისი აფილირება მხოლოდ ქუთაისის უნივერსიტეტთან, უნივერსიტეტის სახელით მიიღოს მონაწილეობა საზოგადოების განვითარებისა და ცოდნის გაზიარების პროცესებში;

ბ) „ქუთაისის უნივერსიტეტის პერსონალის სამეცნიერო-კვლევითი და აკადემიური საქმიანობის შეფასების წესის შესაბამისად ყოველწიურად განახორციელოს სამეცნიერო-კვლევითი საქმიანობა; ამასთან, მისი სამეცნიერო-კვლევითი საქმიანობის შედეგები ჩაეთვლება ქუთაისის უნივერსიტეტს;

გ) აქტიურად იყოს ჩართული სტუდენტებისათვის კონსულტაციების გაწევისა და მათი აკადემიური და სამეცნიერო-კვლევითი საქმიანობის ხელმძღვანელობის პროცესებში;

დ) ქუთაისის უნივერსიტეტის პერსონალის სამეცნიერო-კვლევითი და აკადემიური საქმიანობის შეფასების წესის შესაბამისად უნივერსიტეტს წარუდგინოს დადგენილი ფორმით შესრულებული

ანგარიშები და განხორციელებული სამეცნიერო-კვლევითი აქტივობების დამადასტურებელი დოკუმენტები/მტკიცებულებები;

ე) ფაკულტეტის საბჭოს წევრად არჩევის შემთხვევაში, მონაწილეობა მიიღოს უმაღლესი საგანმანათლებლო დაწესებულების მართვაში, იყოს ჩართული საგანმანათლებლო და სამეცნიერო-კვლევით საკითხებთან დაკავშირებით გადაწყვეტილების მიღების პროცესებში უნივერსიტეტის შიდა სამართლებრივი აქტების შესაბამისად;

ვ) აფილირების შესახებ შეთანხმების შეწყვეტის თაობაზე, აფილირებული პირი ვალდებულია უნივერსიტეტს წერილობით აცნობოს არანაკლებ ერთი თვით ადრე.

3.2 აფილირებული პირი უფლებამოსილია:

ა) უნივერსიტეტის შიდა სამართლებრივი აქტების შესაბამისად, მონაწილეობა მიიღოს უმაღლესი საგანმანათლებლო დაწესებულების მართვაში, იყოს ჩართული, საგანმანათლებლო და სამეცნიერო-კვლევით საკითხებთან დაკავშირებით, გადაწყვეტილების მიღების პროცესებში;

ბ) განახორციელოს სწავლება, შემოქმედებითი და სამეცნიერო-კვლევითი საქმიანობა;

გ) საგანმანათლებლო პროგრამის ფარგლებში, განსაზღვროს სასწავლო კურსის პროგრამების (სილაბუსების) შინაარსი, სწავლების მეთოდები და საშუალებები;

დ) განახორციელოს საქართველოს კანონმდებლობითა და უნივერსიტეტის სამართლებრივი აქტებით მისთვის მინიჭებული სხვა უფლებამოსილება.

ე) "პერსონალის სამეცნიერო - კვლევითი და აკადემიური საქმიანობის შეფასების წესის" შესაბამისად, სამეცნიერო-კვლევით აქტივობებში განსაზღვრული მინიმალურ ქულათა რაოდენობის დაგროვების შემთხვევაში მოითხოვოს ანაზღაურება 2,000 ლარის ოდენობით.

3.3 უნივერსიტეტი ვალდებულია:

ა) იზრუნოს აფილირებული პირის მუდმივ პროფესიულ განვითარებაზე;

ბ) ხელი შეუწყოს აფილირებული პირის მონაწილეობას საზოგადოებისთვის მნიშვნელოვანი თემების განხილვაში, მის მიერ საექსპერტო და საკონსულტაციო მომსახურებისა და მთელი სიცოცხლის მანძილზე სწავლის ხელშეწყობის ღონისძიებების განხორციელებას;

გ) ხელი შეუწყოს აფილირებული პირის მონაწილეობას საზოგადოების განვითარებისა და ცოდნის გაზიარების პროცესებში;

დ) ხელი შეუწყოს აფილირებული პირის სამეცნიერო-კვლევითი საქმიანობის განხორციელებას.

3.4 უნივერსიტეტი უფლებამოსილია:

- ა) მოსთხოვოს ავილირებულ პირს ნაკისრი ვალდებულებების შესრულება;
- ბ) მოსთხოვოს ავილირებულ პირს ძირითადი საგანმანათლებლო, სამეცნიერო საქმიანობის განხორციელება. ერთი წლის განმავლობაში სამეცნიერო საქმიანობის შეუსრულებლობის შემთხვევაში მისცეს გაფრთხილება, ხოლო ზედიზედ ორი წლის განმავლობაში სამეცნიერო საქმიანობის შეუსრულებლობისას შეუწყვიტოს შრომის ხელშეკრულება;
- გ) თითოეული სემესტრის დასაწყისში მოსთხოვოს ავილირებულ პირს სხვა საგანმანათლებლო დაწესებულებაში სასწავლო დატვირთვის დამადასტურებელი დოკუმენტის წარმოდგენა;
- დ) ავილირებული პირის მიერ წინამდებარე შეთანხმების ან შიდასაუნივერსიტეტო სამართლებრივი აქტების დარღვევის შემთხვევაში, გამოიყენოს უნივერსიტეტის ეთიკისა და დისციპლინური პასუხისმგებლობის კოდექსის შესაბამისად განსაზღვრული სახდელის-სახე; ხოლო, ავილირებული პირის მიერ სხვა უმაღლეს საგანმანათლებლო დაწესებულებასთან ავილირების გაფორმების შემთხვევაში, შეუწყვიტოს მას ავილირების შესახებ წინამდებარე შეთანხმება და მოსთხოვოს ავილირებულ პირს ზიანის ანაზღაურება.

მუხლი 4. შეთანხმების მოქმედების ვადა და მისი შეწყვეტა

- 4.1. ამ შეთანხმების მოქმედების ვადა განისაზღვრება ავილირებული პირის აკადემიურ თანამდებობაზე ყოფნის ვადით;
- 4.2. შეთანხმება, ასევე, შეიძლება შეწყდეს საქართველოს შრომის კოდექსით, „უმაღლესი განათლების შესახებ“ საქართველოს კანონით, უნივერსიტეტის შინაგანაწესით გათვალისწინებულ შემთხვევებში, ავილირებული პირის მიერ ეთიკის კოდექსისა და დისციპლინური პასუხისმგებლობის კოდექსის დარღვევის, ქუთაისის უნივერსიტეტის აკადემიური პერსონალის ავილირების წესისა და პირობების დარღვევის შემთხვევაში.

მუხლი 5. დამატებითი და დასკვნითი დებულებანი

- 5.1. მხარეთა შორის დავის წარმოშობის შემთხვევაში, იგი უნდა გადაწყდეს მოლაპარაკების გზით; შეთანხმების მიუღწევლობის შემთხვევაში, მხარეები უფლებამოსილნი არიან დავა გადაწყვიტონ სასამართლოს მეშვეობით.
- 5.2 მხარეები ხელმოწერით ადასტურებენ, რომ წინამდებარე შეთანხმება არ მოიცავს ბუნდოვან დებულებებს და რომ ისინი სრულად გაეცნენ და მიიღეს აღნიშნული პირობები.
- 5.3 მხარეები ხელმოწერით ადასტურებენ, რომ გაეცნენ „ქუთაისის უნივერსიტეტის აკადემიური პერსონალის ავილირების წესსა და პირობებს“ და „პერსონალის სამეცნიერო-კვლევითი და აკადემიური საქმიანობის შეფასების წესს“.



აკადემიური პერსონალის ავტორიზაცია
ქუჩა ლა აგლაძე

- 5.4 საკითხები, რომლებიც არ არის მოწესრიგებული წინამდებარე შეთანხმებით, გადაწყდება მოქმედი კანონმდებლობის შესაბამისად.
- 5.5 წინამდებარე შეთანხმებაში ცვლილებების შეტანა დაიშვება მხოლოდ მხარეთა წერილობითი შეთანხმების საფუძველზე.
- 5.6. შეთანხმება შედგენილია ქართულ ენაზე, თანაბარი იურიდიული ძალის მქონე ორ იდენტურ ეგზემპლარად, თითოეული ხელმოწერი მხარისათვის გადასაცემად.

უნივერსიტეტი
 შპს ქუთაისის უნივერსიტეტი
 ს/კ 212677094
 მისამართი:
 ქ. ქუთაისი, წერეთლის ქ. №13
 რექტორი: ლაშა კანდელაკიშვილი

აფილირებული პირი
 ვაჟა აგლაძე
 პირადი № 01030008166
 მისამართი:
 თბილისი, ს. ჩიქოვანის ქუჩა 4/6/8/10, ბინა 37

